

ÁKVÖRÐUN FRAMKVÆMDASTJÓRNARINNAR

2014/EES/36/78

frá 26. janúar 2012

um breytingu á ákvörðunum 2011/263/ESB og 2011/264/ESB til að taka tillit til þróunar í flokkun ensíma í samræmi við I. viðauka við tilskipun ráðsins 67/548/EBE og VI. viðauka við reglugerð Evrópuþingsins og ráðsins (EB) nr. 1272/2008

(tilkynnt með númeri C(2012) 323)

(2012/49/ESB) (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 66/2010 frá 25. nóvember 2009 um umhverfismerki ESB ⁽¹⁾, einkum 2. mgr. 8. gr.,

að höfðu samráði við umhverfismerkinganefnd Evrópusambandsins,

og að teknu tilliti til eftirfarandi:

1) Samkvæmt 6. mgr. 6. gr. reglugerðar (EB) nr. 66/2010 má ekki veita vörum sem innihalda efni eða efnablöndur/samsett efni, sem uppfylla viðmiðanir til flokkunar sem eitruð, hættuleg umhverfinu, krabbameinsvaldandi, stökkbreytandi eða með eiturrhif á æxlun, umhverfismerki ESB, í samræmi við reglugerð Evrópuþingsins og ráðsins (EB) nr. 1272/2008 frá 16. desember 2008 um flokkun, merkingu og þökkun efna og blandna, um breytingu og niðurfellingu á tilskipunum 67/548/EBE og 1999/45/EB og um breytingu á reglugerð (EB) nr. 1907/2006⁽²⁾. Ekki má heldur veita vörum umhverfismerki ESB ef þær innihalda efni sem um getur í 57. gr. reglugerðar Evrópuþingsins og ráðsins (EB) nr. 1907/2006 frá 18. desember 2006 um skráningu, mat, leyfisveitingu og takmarkanir, að því er varðar efni (efnareglurnar (REACH)), um stofnun Efnastofnunar Evrópu, um breytingu á tilskipun 1999/45/EB og um niðurfellingu á reglugerð ráðsins (EBE) nr. 793/93 og reglugerð framkvæmdastjórnarinnar (EB) nr. 1488/94, sem og tilskipun ráðsins 76/769/EBE og tilskipunum framkvæmdastjórnarinnar 91/155/EBE, 93/67/EBE, 93/105/EB og 2000/21/EB⁽³⁾. Samkvæmt 7. mgr. 6. gr. reglugerðar (EB) nr. 66/2010 má framkvæmdastjórnin samþykkja ráðstafanir um að veita megi undanþágur frá 6. mgr. 6. gr. þeirrar reglugerðar þegar ekki er tæknilega mögulegt að skipta þessum vörum út sem slíkum eða með notkun staðgönguefna eða breyttri hönnun, eða þegar um er að ræða vörur sem eru umtalsvert vistvænni í heild miðað við aðrar vörur í sama flokki.

(*) Þessi EB-gerð birtist í Stjtið. ESB L 26, 28.1.2012, bls. 36. Hennar var getið í ákvörðun sameiginlegu EES-nefndarinnar nr. 24/2013 frá 1. febrúar 2013 um breytingu á XX. viðauka (Umhverfismál) við EES-samninginn, sjá EES-viðbæti við Stjórnartíðindi Evrópusambandsins nr. 31, 30.5.2013, bls. 35.

⁽¹⁾ Stjtið. ESB L 27, 30.1.2010, bls. 1.

⁽²⁾ Stjtið. ESB L 353, 31.12.2008, bls. 31.

⁽³⁾ Stjtið. ESB L 396, 30.12.2006, bls. 1.

2) Framkvæmdastjórnin hefur samþykkt ákvörðun 2011/263/ESB frá 28. apríl 2011 um vistfræðilegar viðmiðanir við veitingu umhverfismerkis ESB fyrir þvottaefni fyrir uppþvottavélar⁽⁴⁾ og ákvörðun 2011/264/ESB frá 28. apríl 2011 um vistfræðilegar viðmiðanir við veitingu umhverfismerkis ESB fyrir þvottaefni⁽⁵⁾. Eftir að þessar ákvarðanir voru samþykktar var hið mikilvæga ensím súbtílsín, sem er notað í þvottaefni og þvottaefni fyrir uppþvottavélar, flokkað sem R50 (mjög eitruð lífi í vatni) í samræmi við I. viðauka við tilskipun ráðsins 67/548/EBE frá 27. júní 1967 um samræmingu ákvæða í lögum og stjórnsýslufyrirmælum um flokkun, þökkun og merkingu hættulegra efna⁽⁶⁾ og VI. viðauka við reglugerð (EB) nr. 1272/2008, sem kemur í veg fyrir að þessi þvottaefni og þvottaefni fyrir uppþvottavélar fái umhverfismerki ESB.

3) Þetta eru nýjar upplýsingar sem ekki var tekið mið af þegar viðmiðanir umhverfismerkis ESB fyrir þvottaefni og þvottaefni fyrir uppþvottavélar og athugunarefni varðandi undanþágur vegna ensíma voru endurskoðuð. Því skal breyta ákvörðunum 2011/263/ESB og 2011/264/ESB til að taka tillit til þróunar í flokkun ensíma í samræmi við I. viðauka við tilskipun 67/548/EBE og VI. viðauka við reglugerð (EB) nr. 1272/2008.

4) Kveða skal á um umbreytingartímabil til að gefa framleiðendum vöru, sem veitt hefur verið umhverfismerki ESB fyrir þvottaefni og þvottaefni fyrir uppþvottavélar á grundvelli þeirra viðmiðana sem settar eru fram í ákvörðunum framkvæmdastjórnarinnar 2003/31/EB⁽⁷⁾ og 2003/200/EB⁽⁸⁾, nægan tíma til að laga vörur sínar að endurskoðuðu viðmiðunum og kröfunum og til að bæta fyrir tímabundna niðurfellingu sem verður vegna þessarar breytingar.

5) Því ber að breyta ákvörðunum 2011/263/ESB og 2011/264/ESB til samræmis við það.

⁽⁴⁾ Stjtið. ESB L 111, 30.4.2011, bls. 22.

⁽⁵⁾ Stjtið. ESB L 111, 30.4.2011, bls. 34.

⁽⁶⁾ Stjtið. EB L 196, 16.8.1967, bls. 1.

⁽⁷⁾ Stjtið. EB L 9, 15.1.2003, bls. 11.

⁽⁸⁾ Stjtið. ESB L 76, 22.3.2003, bls. 25.

SAMÞYKKT ÁKVÖRÐUN ÞESSA:

1. gr:

Ákvæðum viðaukans við ákvörðun 2011/263/ESB er breytt eins og fram kemur í viðaukanum við þessa ákvörðun.

2. gr:

Ákvæðum viðaukans við ákvörðun 2011/264/ESB er breytt eins og fram kemur í viðaukanum við þessa ákvörðun.

3. gr:

Þegar umhverfismerkið er veitt á grundvelli umsóknar sem er metin samkvæmt viðmiðununum sem settar eru fram

í ákvörðunum 2003/31/EB og 2003/200/EB má nota það umhverfismerki til 28. september 2012.

4. gr:

Ákvörðun þessari er beint til aðildarríkjanna.

Gjört í Brussel 26. janúar 2012.

Fyrir hönd framkvæmdastjórnarinnar,

Janez POTOČNIK

framkvæmdastjóri.

VIDAUKI

1. Í viðaukanum við ákvörðun 2011/263/ESB bætist eftirfarandi efni við í fimmtu málsgrein b-liðar í 2. viðmiðun í töflunni yfir undanþágur:

„Súbtílisín	H400 Mjög eitrað lífi í vatni	R 50 ⁺
-------------	-------------------------------	-------------------

2. Í viðaukanum við ákvörðun 2011/264/ESB bætist eftirfarandi efni við í fimmtu málsgrein b-liðar í 4. viðmiðun í töflunni yfir undanþágur:

„Súbtílisín	H400 Mjög eitrað lífi í vatni	R 50 ⁺
-------------	-------------------------------	-------------------